



Broj: 07-11-1828/23
Vogošća, 26.10.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 26.10.2023. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA ČIŠĆENJU
KORITA RIJEKE LJUBINE-KRITIČNE TAČKE-II FAZA**

Član 1.

Ponuda ponuđača "Termo-beton" d.o.o. Breza, ulica Potkraj bb. Breza, odabrana je za izvođenje radova na čišćenju korita rijeke Ljubine-kritične tačke-II faza, kao prvoplasirana na Rang listi, sa ponuđenom ukupnom cijenom nabavke u iznosu od 69.500,00 KM bez uračunatog PDV-a, odnosno 81.315,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 28.09.2023. godine donio Odluku o pokretanju Otvorenog postupka nabavke radova na čišćenju korita rijeke Ljubine-kritične tačke-II faza, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.09.2023. godine pod brojem: 1353-1-3-201-3-186/23.

Sažetak Obavještenja o nabavci objavljen je u "Službenom glasniku BiH" broj: 69/23 od 06.10.2023. godine.

Tendersku dokumentaciju sa Portala javnih nabavki BiH je preuzelo 14 (četrnaest) ponuđača. Krajnji rok za dostavu ponuda bio je 19.10.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 19.10.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1828/23 iz septembra 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 6 (šest) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Termo-beton" d.o.o. Breza	97.277,62	/	/	113.814,82
2	"Bujice" d.o.o. Konjic	98.989,02	/	/	115.817,15
3	"MGBH" d.o.o. Sarajevo	99.997,22	/	/	116.996,74
4	"Mevludin commerc" d.o.o. Sarajevo	98.769,23	/	/	115.560,00
5	"Ame" d.o.o. Breza i "Niskogradnja Durmić" d.o.o. Ilijaš	99.988,95	/	/	116.987,07
6	"Špic beton" d.o.o. Zenica	99.296,14	/	/	116.176,48

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Mevludin commerc" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod c) TD je traženo da ponuđači posjeduju-imaju na raspolaganju građevinske mašine i tehničku opremu neophodne za uspješno izvođenje predmetnih radova, a između ostalih je traženo da ponuđači posjeduju-imaju na raspolaganju i jednu kombinovanu mašinu (rovokopač-utovarivač).

Kao dokaz za traženo tačkom 7.4.2. pod c) TD je za kombinovanu mašinu (rovokopač-utovarivač) zahtjevana važeća saobraćajna dozvola/potvrda o registraciji ili važeća upotrebna dozvola.

Ponuđač "Mevludin commerc" d.o.o. Sarajevo je u Ponudi (strana 57. Ponude) dostavio Potvrdu o registraciji izdatu na firmu "Mevludin commerc" d.o.o. Sarajevo, za radnu mašinu-rovokopač CASE 888B-P.

Dostavljeni dokaz Komisija za javne nabavke smatra neispravnim jer je iz istog vidljivo da se očigledno radi o rovokopaču, a ne o kombinovanoj mašini (rovokopaču-utovarivaču), te je isto u suprotnosti sa jasno postavljenim zahtjevima iz TD, a kojim je jasno i nedvosmisleno zahtjevana jedna kombinovana mašina (rovokopač-utovarivač).

Shodno gore navedenom, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača/Grupe ponuđača:

- "Termo-beton" d.o.o. Breza,
- "Bujice" d.o.o. Konjic,
- "MGBH" d.o.o. Sarajevo,
- "Ame" d.o.o. Breza i "Niskogradnja Durmić" d.o.o. Ilijaš i
- "Špic beton" d.o.o. Zenica

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 25.10.2023. godine u 09:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 25.10.2023. godine, Komisija za javne nabavke je sačinila sljedeću Rang listu u Otvorenom postupku nabavke radova na čišćenju korita rijeke Ljubine-kritične tačke-II faza kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Termo-beton" d.o.o. Breza	69.500,00	81.315,00
2	"Ame" d.o.o. Breza i "Niskogradnja Durmić" d.o.o. Ilijaš	69.600,00	81.432,00
3	"Špic beton" d.o.o. Zenica	89.700,00	104.949,00
4	"MGBH" d.o.o. Sarajevo	94.997,36	111.146,91
5	"Bujice" d.o.o. Konjic	98.989,02	115.817,15

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Termo-beton" d.o.o. Breza, za izvođenje radova na čišćenju korita rijeke Ljubine-kritične tačke-II faza, kao prvoplasiranom na Rang listi, sa ponuđenom ukupnom cijenom nabavke u iznosu od 69.500,00 KM bez uračunatog PDV-a, odnosno 81.315,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





OPĆINSKI NAČELNIK


Migdad Hasanović

Dostavljeno:

1. "Termo-beton" d.o.o. Breza
2. "Bujice" d.o.o. Konjic
3. "MGBH" d.o.o. Sarajevo
4. "Mevludin commerc" d.o.o. Sarajevo
5. "Ame" d.o.o. Breza
6. "Špic beton" d.o.o. Zenica
7. Nadležnoj Službi
8. U dosije
9. a/a

termobeton@gmail.com
bujice@bih.net.ba
info@mgbh.ba
mevludin-commerc@hotmail.com
ame@bih.net.ba
spicbeton@hotmail.com